



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
Council of National Minorities

Broj, 04/5-02-1895/23

Sarajevo, 10.7.2023. godine

ZAPISNIK

Sa 16. sjednice Vijeća nacionalnih manjina Federacije Bosne i Hercegovine, održane 10.7.2023. godine.

Šesnaesta sjednica Vijeća nacionalnih manjina Federacije Bosne i Hercegovine održana je 10.7.2023. godine, sa početkom u 12:00 sati.

Prisutni na sjednici su bili sljedeći članovi: Hidajeta Redžić, Alaga Suljić, Bruno Palestra, Davor Ebner, Davorka Drijenčić, Džemina Zejnullahu, Elma Softić-Kaunitz, Elvisa Jusić, Mišo Ćirko, Violeta Džolan, Mehmed Suljić, Vladimir Lukičević i Nermin Geca.

Sjednici nisu prisustvovali: Velibor Kuvač, Irma Muratović, Zehra Obarčanin, Emin Fafulić, Dejan Piotrovski, Dervo Sejdić, Emil Bakoš i Admira Biberović.

Sjednicom je predsjedavala Hidajeta Redžić, predsjedavajuća Vijeća nacionalnih manjina Federacije Bosne i Hercegovine.

Za 16. sjednicu Vijeća nacionalnih manjina Federacije Bosne i Hercegovine predložen je sljedeći:

DNEVNI RED

- 1. Usvajanje zapisnika sa 15. sjednice Vijeća nacionalnih manjina Federacije BiH;**
- 2. Inicijativa ka ostalim vijećima nacionalnih manjina u BiH za zajedničko obraćanje ambasadama Kvinte, EU, OHR, OSCE u svjetlu aktuelnih političkih dešavanja;**
- 3. Prijedlog Vijeća nacionalnih manjina Kantona Sarajevo za uključenje Vijeće nacionalnih manjina FBiH u pitanja od značaja za ostvarivanje prava;**
- 4. Aktivnosti predsjedavajuće Vijeća nacionalnih manjina Federacije BiH u periodu između dvije sjednice;**
- 5. Tekuća pitanja**

Hidajeta Redžić, predsjedavajuća Vijeća nacionalnih manjina Federacije Bosne i Hercegovine je stavila na glasanje predloženi Dnevni red, koji je jednoglasno usvojen.

1. Usvajanje zapisnika sa petnaeste sjednice Vijeća nacionalnih manjina FBiH;

Predsjedavajuća Vijeća je pozvala prisutne članove na glasanje o usvajanju zapisnika sa petnaeste sjednice Vijeća nacionalnih manjina, napomenuvši da ukoliko ima neko primjedbe ili sugestije da iznese iste. Kako nije bilo primjedbi, **zapisnik je jednoglasno usvojen.**

2. Inicijativa ka ostalim vijećima nacionalnih manjina u BiH za zajedničko obraćanje ambasadama Kvinte, EU, OHR, OSCE u svjetlu aktuelnih političkih dešavanja

Predsjedavajuća je predložila tekst obraćanja Vijeća ostalim vijećima nacionalnih manjina u BiH za zajedničko obraćanje ambasadama Kvinte, EU, OHR, OSCE u svjetlu aktuelnih političkih dešavanja u sljedećem tekstu:

„Vaše Ekselencije,

Obraćamo Vam se u svjetlu složenih društveno-političkih odnosa u Bosni i Hercegovini sa molbom za pružanje pomoći nacionalnim manjinama u nastojanju za ostvarivanje njihovih prava. Naime, Europska komisija je 2019. godine usvojila Mišljenje o zahtjevu Bosne i Hercegovine za članstvo u Europskoj uniji. Mišljenje je od ključne važnosti u odnosima Europske unije i Bosne i Hercegovine, potvrda da je EU predana da pruži smjernice i podršku zemlji u provođenju neophodnih reformi na njenom putu ka europskim integracijama. Mišljenje identificira 14 ključnih prioriteta koje zemlja treba ispuniti kako bi dobila preporuku za otvaranje pregovora o pridruživanju Europskoj uniji; pruža sveobuhvatne smjernice za postupne reforme. Ključni prioriteti obuhvaćaju područja demokratije/funkcionalnosti; vladavine prava; osnovnih prava; i reforme javne uprave - osnove procesa pridruživanja Europskoj uniji. Nažalost, prinuđeni smo konstatovati da pitanja od značaja za nacionalne manjine u BiH nisu dovoljno zastupljena u odnosima Europske unije i Bosne i Hercegovine. Molimo da u Vašim nastojanjima za reforme Bosne i Hercegovine na njenom putu ka europskim integracijama više pažnje obratite na potrebe i opšte stanje u kojem se nalaze nacionalne manjine u BiH. „

Vijeće nacionalnih manjina je jednoglasno podržalo prijedlog teksta Inicijative ka ostalim vijećima nacionalnih manjina u BiH za zajedničko obraćanje ambasadama Kvinte, EU, OHR, OSCE u svjetlu aktuelnih političkih dešavanja.

3. Prijedlog Vijeća nacionalnih manjina Kantona Sarajevo za uključenje Vijeće nacionalnih manjina FBIH u pitanja od značaja za ostvarivanje prava;

Predsjedavajuća je obavijestila Vijeće da je na Vijeće nacionalnih manjina FBIH pristigao prijedlog Vijeća nacionalnih manjina Kantona Sarajevo za uključenje Vijeće nacionalnih manjina FBIH u pitanja od značaja za ostvarivanje prava, odnosno za pokretanje zajedničke inicijative kod Zajedničke komisije za ljudska prava Parlamentarne skupštine za izmjenu Odluke o Vijeću nacionalnih manjina čije neke aktuelne odredbe Vijeće nacionalnih manjina Kantona Sarajevo smatra diskriminatornim prema pripadnicima nacionalnih manjina iz Federacije BiH. Istakli su da zabrana diskriminacije propisana je članom II/4. Ustava Bosne i Hercegovine i članom 14. Evropske konvencije za zaštitu ljudskih prava i sloboda. Shodno članu 3. stav (1) Zakona o zabrani diskriminacije („Službeni glasnik BiH", br. 59/09 i 66/16), diskriminacijom se smatra „svako različito postupanje uključujući svako isključivanje, ograničavanje ili davanje prednosti utemeljeno na stvarnim ili pretpostavljenim osnovama prema bilo kojem licu ili grupi lica." U aktuelnoj formulaciji Odluke o Vijeću nacionalnih manjina BiH, u članu 3, stav (3), tačka a), alineja (5) predviđa se da „kandidat mora dostaviti Izjavu o odricanju od prava na članstvo u drugim vijećima nacionalnih manjina na bilo kojem nivou vlasti u Bosni i Hercegovini u slučaju izbora u Vijeće, s obzirom na to da kandidat ne može istovremeno biti član drugog vijeća nacionalnih manjina na bilo kojem nivou vlasti u



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
Council of National Minorities

Bosni i Hercegovini". Također istakli su da ova odredba je diskriminatorna budući da ne uvažava činjenicu administrativno-teritorijalne organizacije Bosne i Hercegovine. Njome se više prava uskraćuje članovima Vijeća nacionalnih manjina BiH iz entiteta Federacija BiH nego članovima članovima Vijeća nacionalnih manjina BiH iz entiteta Republika Srpska. Shodno obavezi proistekloj iz člana 7. Zakona o zaštiti prava pripadnika nacionalnih manjina („Službeni glasnik BiH”, br. 12/03, 76/05 i 93/08) pojedini kantoni u Federaciji BiH su donijeli svoje propise kojima su uredili pitanja od značaja za nacionalne manjine, te su uspostavili svoja kantonalna vijeća nacionalnih manjina pri svojim zakonodavnim tijelima. Budući da je entitet Republika Srpska centraliziran i nije organiziran kao Federacija BiH (tj. sastavljen od kantona) u Republici Srpskoj postoji samo jedno vijeće nacionalnih manjina (pri Narodnoj skupštini RS). Zabranom članstva, „u drugim vijećima nacionalnih manjina na bilo kojem nivou vlasti u Bosni i Hercegovini”, kako to trenutno propisano citiranom odredbom Odluke o Vijeću nacionalnih manjina BiH, članovima Vijeća nacionalnih manjina BiH iz entiteta Federacija BiH uskraćuje se pravo na članstvo u kantonalnim vijećima nacionalnih manjina koje se ne uskraćuje članovima Vijeća nacionalnih manjina BiH iz entiteta Republike Srpska. Imajući navedeno na umu, predlažu se slijedeće izmjene: U članu 3, stav (3), tačka a), alineja (5) mijenja se i glasi: „kandidat mora dostaviti Izjavu o odricanju od prava na članstvo u vijećima nacionalnih manjina na entitetskom nivou vlasti u Bosni i Hercegovini u slučaju izbora u Vijeće, s obzirom na to da kandidat ne može istovremeno biti član drugog vijeća nacionalnih manjina na entitetskom vlasti u Bosni i Hercegovini,” Vijeće nacionalnih manjina Kantona Sarajevo ljubazno predlaže Vijeću nacionalnih manjina Federacije BiH da Zajedničkoj komisiji za ljudska prava Parlamentarne skupštine BiH za uputi inicijativu za izmjenu Odluke o Vijeću nacionalnih manjina BiH.

Predsjedavajuća je predložila Vijeću da se Vijeće obrati Zajedničkoj komisiji Parlamentarne skupštine BiH.

Džemina Zejnullahu je podržala reagovanje Vijeća na diskriminatorne postupke. Mehmed Suljić je naglasio da nacionalne manjine imaju ovlaštenog predlagača u komisiji za ljudska prava i slobode te je najbolji put taj da predlagač delegira ovu inicijativu na Zajedničkoj komisiji Parlamentarne skupštine BiH.

4. Aktivnosti predsjedavajuće Vijeća nacionalnih manjina Federacije BiH u periodu između dvije sjednice;

Predsjedavajuća je obavijestila članove Vijeća da je bila pozvana od strane Administrativne komisije Predstavničkog doma na sjednicu iste na kojoj je kao tačka dnevnog reda uvrštena i inicijativa Vijeća za povećanje naknade članovima Vijeća, ali da je ista bila odgođena usljed nepredviđenih okolnosti na redovnoj sjednici Predstavničkog doma.

5. Tekuća pitanja

Predsjedavajuća je predložila da se odredi član Vijeća kao predstavnik, koji bi se sastao sa premijerom Federacije i tražio postupanje po članu 6. Zakona o zaštiti pripadnika nacionalnih manjina, a koji se odnosi na to da udruženja imaju pravo na sredstva za obilježavanje svojih manifestacija. Predsjedavajuća je predložila dopredsjedavajućeg Dervu Sejdića.

Mehmed Suljić je istakao da je u jednom u prethodnih mandata bio izabran da izradi elaborat o problematici Vijeća nacionalnih manjina, program rada i finansijski plan. Mehmed je predložio da na isti način se djeluje u ovoj situaciji kada Vijeće traži povećanje naknade i omogućavanje sredstava udruženjima za pomenute aktivnosti.

Džemina Zejnullahu je istakla da je primila poziv od novinara koji je tražio izjavu povodom uvreda predsjednika Republike Srpske upućene pripadniku albanske nacionalne manjine. Postavila je pitanje da li Vijeće može da reaguje na te izjave. Članovi Vijeća su predložili da Džemina Zejnullahu kao predstavnica albanske nacionalne manje dostavi Vijeću prijedlog inicijative koju bi Vijeće uputilo komisijama za ljudska prava i osnovne slobode Parlamenta FBiH.

Sjednica je završena u 13:00 sati.

PREDSJEDAVAJUĆA VIJEĆA

Hidajeta Redžić

